



বৈদ্যুতিন ও তথ্যপ্রযুক্তি মন্ত্রক

# গ্রামীণ এলাকাগুলোতে মূল ধারার আইনি সহায়তা প্রদান করার জন্য কমন্স সার্ভিস সেন্টার বা সর্বজনীন সেবা কেন্দ্রের মাধ্যমে টেলি-ল' পদ্ধতি উত্তরপ্রদেশ ও বিহারে ১০০০টি সর্বজনীন সেবাকেন্দ্রের (সি.এস.সি.) মাধ্যমে সূচনা হবে অগ্রণী প্রকল্প

Posted On: 13 JUN 2017 11:10AM by PIB Kolkata

উত্তরপ্রদেশ ও বিহারে ১০০০টি সর্বজনীন সেবাকেন্দ্রের (সি.এস.সি.) মাধ্যমে সূচনা হবে অগ্রণী প্রকল্পের

এই কর্মসূচির মাধ্যমে ১০০০ মহিলা প্যারা লিগ্যাল স্বেচ্ছাসেবীর (পি.এল.ডি.) ক্ষমতা উন্নয়নে সহায়তা হবে

টেলি-ল' পরিষেবার কার্যকরভাবে পরিচালনার জন্য ১০০০ সর্বজনীন সেবাকেন্দ্রে (সি.এস.সি.) ডি.এল.ই.-দের প্রশিক্ষণ দেওয়া হয়েছে

প্রান্তিক জনগণ এবং গ্রামীণ এলাকায় থাকা মানুষদের আইনি সহায়তা সহজভাবে প্রদান করানোর জন্য ভারত সরকার টেলি-ল' পদ্ধতির সূচনা করেছে। দেশের সমস্ত অংশ জুড়ে পঞ্চায়েত স্তরে সর্বজনীন সেবাকেন্দ্রের মাধ্যমে আইনি সহায়তার পরিষেবা প্রদান করার জন্য আইন ও বিচার মন্ত্রক ডিজিটাল ভারত কর্মসূচির পরিচালক ইলেক্ট্রনিক ও তথ্য প্রযুক্তি মন্ত্রকের (এম.ই.আই.টি.ওয়াই.) সহযোগী হয়েছে। প্রথম পর্যায়ে উত্তরপ্রদেশ ও বিহারের ৫০০টি সর্বজনীন সেবাকেন্দ্রে অগ্রণী প্রকল্প হিসেবে এই টেলি-ল'-এর পরীক্ষা করা হবে, যাতে পর্যায়ক্রমে গোটা দেশ জুড়ে এই প্রকল্পকে বাস্তবায়িত করার আগে এর প্রতিকূলতা বোঝা যায় এবং প্রয়োজনীয় সংশোধনী করা যায়।

এই প্রকল্পের অধীনে 'টেলি-ল' নামের একটি পোর্টালের সূচনা হবে, যা সর্বজনীন সেবাকেন্দ্রের মাধ্যমে উপলব্ধ হবে। প্রযুক্তি নির্ভর এই ক্ষেত্রের মাধ্যমে আইনি পরিষেবা প্রদানকারীদের সঙ্গে সাধারণ নাগরিকেরা সংযুক্ত হতে পারবেন। সর্বজনীন সেবাকেন্দ্রে থাকা ডিডিও কনফারেন্সের মাধ্যমে আইনজীবীদের কাছ থেকে আইনি পরামর্শ পেতে মানুষকে সক্ষম করবে 'টেলি-ল'। এছাড়া প্রান্তিক অংশের মানুষদের ন্যায় বিচার পাওয়ার বিষয়কে শক্তিশালী করতে ল' স্কলস্ট্রিক, জেলা আইনি সেবা কর্তৃপক্ষ, স্বেচ্ছাসেবী সংস্থা, আইনি সহায়তা ও সক্ষমতানির্দেশ কাজ করা এন.জি.ও. ইত্যাদি নিজেদের মধ্যে সি.এস.সি.-এর মাধ্যমে সংযুক্ত হতে পারবে। জাতীয় আইনি সেবা কর্তৃপক্ষ অর্থাৎ নালসা আইনজীবীদের একটি তালিকা তৈরি করবে, যারা ১০০০টি সি.এস.সি.-এর মাধ্যমে ডিডিও কনফারেন্স করে আবেদনকারীকে আইনি পরামর্শ ও মতামত প্রদান করবেন। একটি বলিষ্ঠ পর্যবেক্ষণ ও মূল্যায়ন পদ্ধতিও তৈরি করা হচ্ছে, যার মাধ্যমে আবেদনকারীকে দেওয়া পরামর্শ গ্রহণ করার ফলে কতটুকু সুবিধাজনক হয়েছে, তানির্ণয় করা যাবে।

'টেলি-ল'-এর সূচনার ঘোষণা দিয়ে কেন্দ্রীয় ইলেক্ট্রনিক্স, তথ্যপ্রযুক্তি, আইন ও বিচার মন্ত্রী শ্রী রবি শংকর প্রসাদ বলেন, "সর্বজনীন সেবা কেন্দ্রের মাধ্যমে আইনি পরিষেবা প্রদান করার জন্য 'টেলি-ল'-এর সূচনার জন্য আনন্দিত। এই পদ্ধতি গরিব জনগণকে ন্যায়বিচার ও ক্ষমতায়ন প্রদান করার ক্ষেত্রে আমাদের প্রতিশ্রুতিকে পূরণ করবে।" এছাড়া এই প্রকল্পের মাধ্যমে প্রতিটি সর্বজনীন সেবাকেন্দ্র (সি.এস.সি.) একটি করে প্যারা লিগ্যাল স্বেচ্ছাসেবীকে (পি.এল.ডি.) যুক্ত করবে, যিনি গ্রামীণ জনগণের যোগাযোগের প্রথম গন্তব্য হবেন এবং আইনজীবীদের দেওয়া পরামর্শ বোঝা ও সে অনুযায়ী পরবর্তী পদক্ষেপ গ্রহণ করার জন্য এইপি.এল.ডি. সম্পূর্ণ সহায়তা করবে। বিশেষ করে মহিলা পি.এল.ডি.-কে এই প্রকল্পে প্রশিক্ষণ ও সংযুক্ত করার ক্ষেত্রে অগ্রাধিকার দেওয়া হবে। এক হাজার মহিলা পি.এল.ডি. মূলধারার আইনি সহায়তার সঙ্গে সি.এস.সি.-এর মাধ্যমে কাজ করবেন। যার লক্ষ্য হচ্ছে মহিলা উদ্যোগীদের উৎসাহ প্রদান করা এবং মহিলা ক্ষমতায়নের পাশাপাশি মহিলাদের অংশ গ্রহণ সুনিশ্চিত করা।

এই প্রকল্পে একজন প্রশিক্ষিত পি.এল.ডি.-কে মাসে দশ দিনের জন্য সি.এস.সি.-তে পাওয়া যাবে। এই পি.এল.ডি.-রা ডিডিও কনফারেন্সের মাধ্যমে জনগণের সঙ্গে আইনজীবীদের যোগাযোগ করার ক্ষেত্রে সহযোগিতা করবেন। তাছাড়া গৃহিত পরামর্শ অনুযায়ী আবেদনকারীর মামলার কতটুকু উন্নতি হয়েছে, তার রেকর্ড রাখবেন। প্রতি সপ্তাহেই রেকর্ড তারা জেলা আইন সেবা কর্তৃপক্ষের কাছে জমা দেবেন। বিচার বিভাগ ও ইউনাইটেড নেশন ডেভেলপমেন্ট (ইউ.এন.ডি.পি.) প্রত্যন্ত অংশের মানুষের জন্য বিচার ব্যবস্থার ল্যতা নিয়ে যে কাজ করছে, তারই ধারাবাহিক পদক্ষেপ হিসেবে এই প্রকল্প।

(Release ID: 1492623) Visitor Counter : 5

## Background release reference

টেলি-ল' পরিষেবার কার্যকরভাবে পরিচালনার জন্য ১০০০ সর্বজনীন সেবাকেন্দ্রে (সি.এস.সি.) ডি.এল.ই.-দের প্রশিক্ষণ দেওয়া হয়েছে

